

Šentencija Mesopusta «Cistar» 12. Veljače 2002. godine

Autor: Ljubo Antonić – Škodić

Sudac: Domagoj Miculinić

Abukat: Danijel Grbić

Sudac

<p>Sretno oko ko vas gljeda 1 Pozdravljan vas sih od reda Da ne bude spiska duga Sa sjevera i sa juga</p> <p>Sih pozdravljan, kako spada Sa istoka i zapada Sih pozdravljan bez zamire Cel Vinodol a i šire</p> <p>Pozdrav na si kontinenti Uz muzički instrumenti I pomorcen na se strani Na mora i oceani</p> <p>Prišloj vrime dragi ljudi Mesopustu da se sudi Si njegovu teški grihi Osudjujen, ma va smihi</p> <p>Ovoj leto kratko trajal Istoj Bribir sav olajal Kalendarski rano prišal Sela naša sa obišal</p> <p>Njegove su redon mane V Šentenciji opisane Ča Mesopust skrivil ljudi Poslušajte malo ljudi</p>	<p>Šentencija informira 2 Lipe riči baš ne bira Sača reče ovo štivo Komu pravo komu krivo</p> <p>O narodu našen piše Komu manje komu više Jel ki koga za vrat stisnul Jel kadi ki ku pritisnul</p> <p>Ako se pretira kadi Neka niki se ne jadi Živci svoji neka štedi Pametan se ne uvredi</p> <p>Komu to na čast ne služi Ta neka me valje tuži Još ga moren ja utješit To će naš sud brzo rešit</p> <p>Hrvatski su brzi suci Delamo va istoj struci Izuzeci baš su retki Lipi pozdrav na početki</p> <p style="text-align: center;">TAMBUR</p>
<p>Abukat</p> <p>Ljudi mili ja se klanjan 3 Iz dna duše vas pozdravljan I dajen van to na znanje Volin vas i poštovanje</p> <p>Ja san po ovon programi Ovo leto opet s vami Pa mi evo lipe zgode Pozdravljan vas moj narode</p> <p>Obrana mi snagu daje Zač volin te običaje Sudac štiti svoju službu Ja pobijan tu optužbu</p>	<p>Molin neka mir zavlada 4 Red i posluh, kako spada Nis ja sisal mliko kravlje Toj sudjenje a ne slavlje</p> <p>Ta proces me tu dopelja Zibran san za branitelja Vašu pomoć molin ljudi Nevinomu tu se sudi</p> <p>Danas saki pravo ima Da iznese ča ne štima A bedasta sudska glava To mu pravo osporava</p>

<p>Mesopust je brime stresal 5 Si problemij van iznesal Čin ga smatraš, on to nije Ovomu se narod smije</p> <p>Ti si prošal sasin sega Ča ti imaš proti njega Niš mi totu ti ne smoli Njega narod jako voli</p> <p>Posla toga se ostavi I «Cistara» zaboravi Tebij on kriv ča se krade Ča nij posla i zarade</p>	<p>Ti si čovik dosta smućen 6 Od nikoga si napućen Ča divaniš dobro pazi Mogli bi te ručat vrazi</p> <p>Mesopustuj želja vela Da obidje naša sela Subotuj bil tu va Sali Pogljedaj ga, ča mu fali</p> <p>Valjda se ne bojiš Boga Osudjuješ nevinoga Badava tu vrime gubiš V rit ga moreš da poljubiš</p> <p style="text-align: center;">TAMBUR</p>
--	--

Sudac

<p>Poslušaj ga moj narode 7 Stvarno me va živac bode Ja ti velin moj kolega Da mij dosti toga sega</p> <p>Molin te ko dragog Boga Ostavi se brate toga Usavrši svoju misal Ti koda si vesla sisal</p> <p>Nisi tomu ti dorasal Do čera si blago pasal Još bi mogal, tu ti piše Samo ča nij blaga više</p> <p>Lipo su nas zvali simo Da parnicu raspravimo Dal ti moran to divanit Ja ću tužit a ti branit</p> <p>Valje si se nakostršil Koda si već slučaj rešil Velin ti va ovon retki Beno još smo na početki</p> <p>Vrimej da već nič naučiš S bedastoćun narod mučiš To ča melješ o pravici Zame su to stari vici</p>	<p>Ti «Cistara» totu štitiš 8 Sa tujin se perjen kitiš Ti bi klopku mi pripravil Ali si nič zaboravil</p> <p>Krivca uvik zakon tira Krivac nigdir nima mira Toj lopuža jedna vela Ima posal, a ne dela</p> <p>Gremo gljedat se od reda Nač to naša cista zgljeda Prema Selcih kako tako Do Novoga baš nikako</p> <p>Još pogljedaj selski puti Ne moreš proć va auti Poć do Škodić, doli skrozi To budala samo vozi</p> <p>Pa i drugdij prizor isti Baš su jadne naše cisti Zato slušaj beno stara Dal ki zato odgovara</p> <p style="text-align: center;">TAMBUR</p>
--	--

Abukat

<p>Ja san suče dosti miran 9 A ti nisi informiran Ako misliš pravdu batit I novosti moraš pratit</p> <p>Novost jedna dosti vela Konačno se cista dela Širi se i asfaltira Od Novoga do Bribira</p> <p>Ovo će bit posal veli Za sada su tek počeli Pitanja su finansijska Ovoj cista županijska</p> <p>Ča se tiče naše cisti Totu posli nisu čisti Dal to teče se po planu Ki poteže na ku stranu</p> <p>Već tri leta mi se čini Gre od Grižan do Kričini Lipa, šira, cista ova Ovo leto daj gotova</p> <p>Sad ju triba samo mazit A «Cistar» će na nju pazit Naš mesopust beno stara Mestoj dobil za cistara</p>	<p>Ljudih držin za besedu 10 Do Novogaj sad na redu Punoj volji a i snagi Dosta blata poli «Žagi»</p> <p>Njega krivi ova bena Zač nij cista zgotovljena Ča tuliko se planira Do Novoga od Bribira</p> <p>Zač «Cistara» zato krivi Ov magarac stari, sivi Zabadava se pojida Kada drugi zapovida</p> <p>Niki ljudi vele sada Da na Bribir krivnja pada Lakšej sredit piće vinsko Nego stanje imovinsko</p> <p>Pitanja su sada ova Kada oće bit gotova Od Bribira do Novoga Moraš pitat dragog Boga</p> <p>Od čovika čul san trezna Da ni dragi Bog to nezna Nezna niti Županija Niti «Cistar», neznan ni ja</p> <p style="text-align: right;">TAMBUR</p>
--	---

Sudac

<p>Oću ti dat tri vritnjaki 11 Ne spominji božićnjaki Apatičnoj prišlo stanje Sako leto ih je manje</p> <p>Već pet let ga mi se čini Nij v Podgori i Kričini V Šentenciji tako piše Va Podskoči puno više</p> <p>Ja san mislel slušaj malo Daj Kičeri odustalo Veseloj tu uvik bilo Kad božićnjak sej kitilo</p> <p>Zač ga nisu okitili Razlozi su drugi bili Anita mi ovo veli Smrtnij slučaj bil va seli</p>	<p>Jednu lipu nadu daje 12 Da se Gradac ne predaje Aktivni su oni bili Veselo ga postavili</p> <p>Božićnjak je bil pretanak Pa sej boril za opstanak Preširokaj bila školja Jadan se kot pijan ljulja</p> <p>Zač su ga odsikli tanka Jel kakova kriva stranka Tu moreš reć mirne duše Neznaš otkud vetar puše</p> <p>Ča se sela Graca tiče Tu kruže i druge priče Va ton seli nišćaj želja Na polnočku mačku pelja</p>
--	--

<p>Na polnoćkij majko mila 13 Mačka nasrid crikve bila Toj sramota i to grozna Jedan čovik mačku pozna</p> <p>Da ne duljin ovo dalje Ulovil je mačku valje Iz crikve ju na zrak baca Veli ovoj mačka z Graca</p>	<p>Gradac još nikoga krivi 14 Ne zna po šćoj direktivi Paj tu na početki sela Dozvolil da cirkus dela</p> <p>Toj v jeseni bilo lani V seli dvori zapišani Ženi vele celoj selo Po pišaki tu smrdelo</p> <p style="text-align: center;">TAMBUR</p>
--	---

Abukat

<p>Dvi tri riči reda radi 15 Da napišen o paradi S puno volje su oteli Na vrime su se dospeli</p> <p>Vrimej jako kratko bilo Ali se sej obavilo Kad je volja tako vruća Pozdravi se saka kuća</p> <p>Ozbiljni su dečki bili Ma prebrzo su hodili Magarica jadna mala Brzinu nij izdržala</p> <p>Cel dan brzo sej hodilo Njoj je toga dosti bilo Magarica zvana «Borka» Njoj je šetnja bila gorka</p> <p>«Borka» su joj ime dali Zagona ju pripeljali Jadna «Borka» i ne taji Nezna naši običaji</p>	<p>Paradi na dušu stavlja 16 Prebrzo se zaustavlja Va brzini stvar je gora Stajuć, jako brenzat mora</p> <p>Va brzini stani – hodi Potroše se i ferodi Takoj ovo blago malo Se kopita izderalo</p> <p>Šest dan je va štali bila Ma se nij oporavila Sama se sa sobun bori Nij šla šnjimi va Podgori</p> <p>Rekli su joj da se kreće Ma ni korak ona neće Ne da neće, da se boji Već na nogah jedva stoji</p> <p>Ča su jadni dečki znali Nazad su je otpeljali Hodi doma vele oni Najbolje tij na Zagoni</p> <p style="text-align: center;">TAMBUR</p>
--	--

Sudac

<p>Ti pomažeš ovoj blenti 17 Kadi su ti argumenti Ti to laješ se od oka Bez istini i svjedoka</p> <p>On je krivac veruj meni To divane naše ženi Da se smije «Cistar» stari Kad trgovac te prevari</p>	<p>Ovoj jedna zgoda pića 18 Za Zlatana Ligatića Njemu sej to dogodilo I Zlatanaj prevarilo</p> <p>On i Eva zaključili Da mobitel bi kupili Ubedil je Zlatan ženu Da mu triba na terenu</p>
--	--

<p>Veli Eva kupi zlato Mor imamo soldi zato Za drugo baš nij potreba A tebi to jako triba</p> <p>Nazoveš me ti z Lukova Pitaš jel ča doma nova Na Lukovi dosti zebe Jel ki muški poli tebe</p> <p>Ja ti rečen slušaj malo Baš mij sada na um palo Hodi doma ma čin prije Da te tvoja Eva zgrije</p> <p>V Crikvenicu Zlatan kreće Ovo finit dobro neće Va butigu čin je stupil Mobitel je valje kupil</p>	19	<p>V butigi muj totu bilo Rukovanje objasnilo Veli Zlatan samo dajte To va hartu zamotajte</p> <p>Smotak Zlatan doma nosi S mobitelon se ponosi Pa već doma veli s praga Kupil san ga ženo draga</p> <p>Da bi se to isprobalo Gre Zlatan zvat lovcih malo Da se malo šnjimi čuje Brzo paket raspakuje</p> <p>Jel moguće Bože sveti Mobitela nij v paketi A Evica veli mazno Zlato mor je ovo prazno</p>	20
TAMBUR			

Abukat

<p>Nij pratila dobra srića Kucka Mirka Vlastelića Ovoj nigdi v leti bilo Kad mu sej to dogodilo</p> <p>Dva dan proboravili Na Stankovi lazi bili Mirko jednuč mu govori Kucak voli bit va gori</p> <p>Odvezan je oko kuće A v gori mu nij ni vruće Nikamor pobignut neće Po Stankovi lazi šeće</p> <p>Kad treći dan slušaj ovo Oni kreću za Jargovo Ne pišice starin puton Nego lipo sa auton</p> <p>On i kucak toj u redu Sa auton doma gredu A bili bi da su znali Baren večer dočekali</p> <p>Puten kucak je nemiran Od vrućini iznerviran Toga dana nij za čudit Biloj vruće za poludit</p>	21	<p>Gljeda kucak desno livo V auti muj zagušljivo Tribal je reć, Mirko stani Ali kucak ne divani</p> <p>Sunce peče nij oblaka Jadan kucak nima zraka Kuce teško sej vozilo A onda se umirilo</p> <p>Mirko lipo stane v gradi Pa gre grlo da ohladi I o kucku brigu vodi Z birtije mu nosi vodi</p> <p>Do auta s vodun stiže Ali kucak se ne diže Kucak jadan i ne diše Ne triba mu vodi više</p> <p>Mirka ovo v srce dira Pa ga vodun pomasira Hladna voda i masaže Kucku više ne pomaže</p> <p>Toj Mirkova malo greška Istina muj sada teška Jedan dečko veli tiše Ta zavijat neće više</p>	22
TAMBUR			

Sudac

<p>Jednu tužbu ima novu 23 Za zlaticu krumpirovu Togaj gada majko mila Puna naša gora bila</p> <p>To čovika jako jadi Kad va gori krompir sadi Jadan krompir još ne zide Već zlatica vražja pride</p> <p>Širon naše cele gore Sakako se ljudi bore Poduzimaš razne mere Da ga to zlo ne požere</p> <p>Snalaze se ljudi naši Niki šprica niki praši Ljubo Škodić pak planira Da zlaticu šibun stira</p> <p>Za metodu ovu novu Zel je granu jesenovu Pa mrcinu tira ovu Skroz na lihu susedovu</p> <p>Tira šibun se bez glasa V lihu Rajka Arbanasa Divani joj malo tiše Tu ga žderi, tu gaj više</p>	<p>Ovo Rajko nij ni videl 24 Ive Krstić muj povidel Njemuj Peko vjest prenosil On je pokraj travu kosil</p> <p>Rajkoj uvik bil za šalu Primjedbu mi daje malu Kada se već baviš s time Napiši i svoje ime</p> <p>Zlatica nij problem mali Veći problem je na Kali Sača tamo ljudi sade A mošnjice niki krade</p> <p>Neznan stel već ovo znali Obitelj se jedna žali Skoro celi vrt daj pokralo Šezdeset kil, nij to malo</p> <p>On galamu velu stvara Ma niki ne odgovara Ali to su vele greške Zač mošnjice nisu teške</p> <p>Baš mi na laž to miriše To nij puno, toj previše Šezdeset i kogod kilo Nij ih v celoj gori bilo</p> <p style="text-align: right;">TAMBUR</p>
---	---

Abukat

<p>Ča me gljedaš tako belo 25 Stari suče tulilelo Za osudu ti si saku Ti iščeš va jaji dlaku</p> <p>Va Bribiri ti ne živiš Pa «Cistara» za se kriviš Nij on zmislel volu stari One laži o «voćari»</p> <p>Nij «Cistar» kriv tu za laži Budi suče malo blaži Niki drugi laži širi Si to znamo va Bribiri</p> <p>Narod sača pripovida Bez krijanci i bez stida Niki više i ne mari Za on slučaj va voćari</p>	<p>Pričale su nike zloće 26 Daj to bilo o pol noće Kij nahitil ovu minu Šaljen ga u materinu</p> <p>Dvoje mladih mesto išće Za ljubavno konačišće Va ljubavno gnjezdo bili Tu voćarnu pretvorili</p> <p>Nij ambijent ljudi mili Da bi ljubav tu vodili Ovoj samo ljudska zloba Toj butiga a ne soba</p> <p>Nij kušina ni fotelje To su nišće lažne želje Bez stida to divaneli Drugi su se tomu smeli</p>
<p>Sača ljudska mašta radi 27</p>	<p>Da v lancun ih zamotali 28</p>

<p>Čoviku se život zgadi Da su v strašnon seksu bili Da se nisu razdvojili</p> <p>Toj bila laž a ne šala Prva pomoć daj tribala Niki ovu laž dopuni Tribali su i lancuni</p>	<p>I tako ih otpeljali Ja vas molim svih v Bribiri Da se ova laž ne širi</p> <p style="text-align: center;">TAMBUR</p>
--	--

Sudac

<p>Kad po redu lipo gremo 29 Da i lovcih spomenemo Ludi dani dar od Boga I oni su delić toga</p> <p>Toj družina jedna vela Da čujemo ča se dela Ovi vrli lovci naši Ki pogodi, ki promaši</p> <p>Kigod dobro gađa metu Pa i fazana va letu A Barcu se to dogodi Ni jelena ne pogodi</p> <p>Veli Barac, ča je tu je Ma i drugi promašuje I Darko Tus ima krizu Jelen muj bil isto blizu</p> <p>Jedan član je tu uzoran Vrlo vredan i uporan Zadatak muj iznad sega «Kleko» Igor, znate njega</p> <p>Bil je odstrel na medvida Uporno na čeku sida I osmi dan braćo mila Upornost se isplatila</p>	<p>Medvid je bil prva klasa 30 V Kurini mu nema spasa Čvrsta ruka dobro oko Pada medvid, ma duboko</p> <p>Va Kurini ga dotukli S traktorom ga van izvukli Nejaki su zato bili Oni ki su ga ubili</p> <p>V lovi prati loša srića Još i Slavka Brozovića On i Šimac lovci stari Loš teren pa ih prevari</p> <p>Pogon ki na Grobki kreće Za njih svršit dobro neće Za Pališin prit se mora Maj varljiva naša gora</p> <p>Put in sej otegal malo Društvo dugo ih čekalo Pogon nij šal baš po planu Prošli su na desnu stranu</p> <p>Promašaj je ne baš mali I opet su zabasali Pa su lipo tako oni Skupa prišli na Zagoni</p> <p style="text-align: center;">TAMBUR</p>
--	---

Abukat

<p>Daj zaveži stari gade 31 On je «Cistar» on ne krade Tebi se va glavi brčka Nikad nij bil poli Trčka</p> <p>Istinu mi «Cistar» veli Nikad nij bil va ton seli Nezna veli mirne duše Da se tu pršuti suše</p>	<p>Zato suče niš ne slini 32 Ovo spada va Ugrini A ki totu ukrast voli Ti ispitaš, daj izvoli</p> <p>Ja moren reć opis kraći Daj to lopov naš domaći Velik lopov a ne pići Oštećeni su Svetići</p>
--	--

<p>Zato suče lipo šuti 33 Kij mogal znat za pršuti A broj je to vrlo vredan Bome dvanajst, a ne jedan</p> <p>Zaslužuje samo metak Doznalo sej to va petak Sušilo sej dosti toga A pobralo dojednoga</p> <p>Policijaj tamo bila Ali krivca nij otkrila Takoj i va Štalah bilo Lopova se nij otkrilo</p> <p>Po logiki ovo znamo Nij bil jedan lopov samo S logikun se ovo kosi Da to jedan čovik nosi</p>	<p>Celi tucet ljudi moji 34 Togaj dosti kad se broji Lopovi su pravi bili Ki «sušilo» su otkrili</p> <p>Ne boje se niti zeru Sad pršuti nigdi žderu Potrošit ih dobro znaju Kad ih s jajen ofrigaju</p> <p>Lopovi se širon kote Sumnjan de se pronać ote Pa neka in ovo jilo Dabogda i zadnje bilo</p> <p style="text-align: center;">TAMBUR</p>
--	--

Sudac

<p>Ti ga braniš mi se čini 35 Po napatku iz Općini Da vidiš ča blenta dela Hodi malo v naša sela</p> <p>Pridi malo na Kričinu Pa da vidiš sprdačinu Kričinjane srce boli Posičeni su topoli</p> <p>Za njih šteta toj velika Pominjenaj sasin slika Onaj voda bez topola Kodaj ženska napol gola</p> <p>Ose Vigin mi se žali Da mu ta hlad jako fali Bedasto muj veli sada Nij topola nij ni hlada</p> <p>Kadgod Ose hlada išće Pa pride na Pećurišće Topol mu pred kućun fali Sad su totu «baju» klali</p> <p>Šimičin nij va toj zoni On je doli va «Londoni» A on čovik nij intriga Za topoli nij ga briga</p>	<p>Šimičin mi poručuje 36 Da ga jedna stvar raduje Va «Londonij» dice dosti Velike su to radosti</p> <p>Napustimo selo ovo Gremo malo va Jargovo Neznan jel to opravdano Celoj selo raskopano</p> <p>Raskopani selski puti Težak prelaz za auti Nesmiš čekat noćnu tamu Lahko padeš v kugod jamu</p> <p>Ljuboj Škodić «Ladu» žutu Proval vozit po ton putu Tu gaj jama jedna bila Na rikverc zaustavila</p> <p>Vlastelić se Mirko šeće I pravo na jamu skreće Stupica ga totu čeka Na nosi muj vela fleka</p> <p>Jadan Mirko kot i Osa A krv teče mu iz nosa Pa onako još u hodu Jebe mater «Vodovodu»</p> <p style="text-align: center;">TAMBUR</p>
--	---

Abukat

<p>«Cistar» ova draga faca 37 Opominje dečkih z Graca Na pamet muj ovo palo Neka voze lakše malo</p> <p>Na Graci sej puno bilo Lani nesreć dogodilo Srićun ne spominjen mrtve Auti su bili žrtve</p> <p>Stariji se ljudi zgroze Kad Martinčić braća voze Brzina in daje brigi Padu pod put spod Menigi</p> <p>Blaž nij bil kriv na Barbari Stojadin je već bil stari Na zavoji tu gaj bila Jedna ženska naguzila</p> <p>Brzo vozi golf Romina I pravac na stojadina Blaž je gljedal smrt va oči Zabadava i da koči</p> <p>Ja opasku tek iznašan Bil je ovo sudar strašan Stojadin je u dvoboju Tu završil vožnju svoju</p>	<p>Moren od kud god ću krenut 38 Sih ne moren ni spomenut Tek Alena Antonića Za zavoj u Markelića</p> <p>Iz Novoga Alen juri Kamo se to dečko žuri Bilaj kasna noćna ura Va autij š njin i cura</p> <p>Pratila gaj tako srića Ma samo do Markelića Auto se onda plavi Na ogradi zaustavi</p> <p>Povrede in nisu teške Pa moru poč dalje pješke Va auto Alen gljeda Nač neboški sada zgljeda</p> <p>Nij ta zavoj nagal tako Kada vozi se polako Nij velika ni nagiba Kad se vozi kako triba</p> <p>Alen sotin se ne miri Zavoj mora da se širi Za ogradu se dvoumi Bil tribala bit od gumi</p> <p style="text-align: center;">TAMBUR</p>
--	---

Sudac

<p>Namjera mij evo sada 39 Da spomenen Milorada Bil bi grih da dalje krenen A da njega ne spomenen</p> <p>Nikuj kunu v žepi skupil Poli Braci mesa kupil Ne pilići ljudi moji Batki više on ne broji</p> <p>Dvi kilej bil kupil flama On to voli nij on dama To se meso brzo skuha A bude i dobra juha</p> <p>Da večeru si pripravi To va jedan lonac stavi I zelenja sake vrsti Bit će da obližeš prsti</p>	<p>Tu večer je na sastanki 40 Od narodne svoje stranki A to meso slušaj malo Lipo doma gaj čekalo</p> <p>Na sastanki nij se jilo Morda čagod sej popilo A Milorad veli neka Njega meso doma čeka</p> <p>Hodeć doma misli samo Valjdaj meso već skuhanu Brzo cistun doma kreće Od flama niš ostat neće</p> <p>Dogodilo zlo se velo Joškaj bila šla va selo Neopreznaj valjda bila Mačka v kući ostavila</p>
--	--

<p>Milorad je v kuću zašal 41 Ma Joški nij doma našal Baš me briga samo reče Valje prema loncu teče</p> <p>Čaj va lonci videl tada Toj dotuklo Milorada Pred oče mu črno palo Dobro ga nij šlagiralo</p>	<p>Va srid lonca mačak ruje 42 I samo se oblizuje Ne boji se i bez srama Nij ostalo niš od flama</p> <p style="text-align: center;">TAMBUR</p>
--	---

Abukat

<p>Izvješćaji su u nizu 43 Nič bin rekal o striptizu Poli «Zubi», to zna saki Va birtiji na baraki</p> <p>To se mora da objavi Rođendan se totu slavi Dosti jila puno pića Društvo Slavka Brozovića</p> <p>Lipo društvo majko mila I Jadrankaj totu bila Još se mora da naglasi Rođendan je jednon dasi</p> <p>Nij osoba ovo grozna A društvo ga celo pozna I već kako su ki znali Dečka redon darivali</p> <p>Još se jedan potez radi Da se dečka iznenadi Daruju mu žive mete Dvi divojki striptizeze</p> <p>Na posal se velik dali Z Riki su ih pripeljali Da se suku tu va masi Poli «Zubi» na terasi</p>	<p>Neću to odugovlačit 44 Počele se cure svlačit Ovo stvara lipu sliku To svlačenje uz muziku</p> <p>Pokazale mladost bujnu Mislin biloj to va rujnu Muzika se tiha čuje Društvo gljeda ne veruje</p> <p>Toga dana Bože mili I lovci su totu bili Nisu vani bili oni Nego nutri v gostioni</p> <p>Niki digne se za stola Vidi vanij ženska gola Drugi zine sidi vole Ča ne vidiš dvi su gole</p> <p>Otel bi da dobro vidi Zlatan stoji na katridi «Zube» želi sliku punu Zato stoji na kasunu</p> <p>Nij to bilo priviđenje Tek malo iznenađenje Mladosti to i priliči Niki proti nima riči</p> <p style="text-align: center;">TAMBUR</p>
---	---

Sudac

<p>Na smih ovo me podsjeća 45 Ta boksački meč stoljeća Boksački meč sakramenski I još tomu muško-ženski</p> <p>Vjesti ove prišle k meni Ta meč je bil va «Jeleni» I događaj ovaj celi Va bufetu poli Evi</p>	<p>Podatak je ovo točan 46 I Krstić je bil nazočan Od istine se ne bježi Bufet je bil pun mladeži</p> <p>Mora se spomenut sprotu Piškulić je Vlade totu A njega se ovo tiče On je akter ove priče</p>
--	---

<p>Vlade svoje piće pije 47 Veselo se uvijek smije On van ljudi nij za svađu Nevolje ga ipak snađu</p> <p>Mladež čuje niki zija To njegova gre Marija A zgljedalaj jako ljuta Pita ključići od auta</p> <p>Vlade ju sa smješkon gljeda Ali ključići ipak neda Ne boji se više manje Isto zimlje odstojanje</p> <p>Veli Krstić pijuć kolu Ovoj boks-meč na pomolu Ivica se samo smješka Ovoj klasa superteška</p>	<p>Mariji se kosa diže 48 K Vladi se primiće bliže Bit će borbe ča je tu je Va zraki se muha čuje</p> <p>Vlade nij bil baš oprezan Valjda nij bil sasin trezan A Marija glavun klima I boksački stav uzima</p> <p>Vladu gađa pljuska vruća Odzvonelaj cela kuća Stvarno to bit dobro neće Pa Vlade u napad kreće</p> <p>Mariju nij pljuska stigla Hrabroj ona van pobigla Vladi ona se ne boji Toj taktika ljudi moji</p> <p style="text-align: right;">TAMBUR</p>
--	--

Abukat

<p>Još jedanput moran sada 49 Da spomenen Milorada K Dedekovoj Kati žure On i sused Svetić Jure</p> <p>Ovo moran tu nahitit Gredu Kati žukvu čistit Dobraj vina tu za piti A morda i sfriga friti</p> <p>Još moran reć ovo sprotu Kolarovaj Kate totu Da ih ki ne zajebava Dvor se valje zaključava</p> <p>Te večeri lipo iste Uz razgovor žukvu čiste Samo jedna sumnja šuška Dvi su ženske i dva muška</p> <p>Va večernju niku uru Gre Marica iskat Juru Prova oprit vrata z vana Ma su znutri zaključana</p> <p>Se četvoro čulo skupa Da po dvoru niki lupa A Marica Juri zija Nij za tebe kurbarija</p>	<p>Ovoj bila samo šala 50 Joška muža nij iskala Ta ne sumnja va susedi Zna kuliko nje muž vredi</p> <p>Sada reci suče stari Kako sada stoje stvari Se san tu predate stresal Za obranu se iznesal</p> <p>Još mij rekal da izjavin Da birtije se pozdravin Kamo naši ljudi gredu «Luciju» u prvon redu</p> <p>Nediljun smo uvijek tamo Tu trešetu zaigramo To moren povidit simi Andrija nas lipo primi</p> <p>To njemu nij ispod časti Kadagod nas i počasti Zato pozdrav za «Luciju» I još jedan za Juliju</p> <p>Na kraji mij rekal zavo Komplimenti za «Badavo» Se o njemu lipo reci A posebni pozdrav «Eci»</p> <p style="text-align: right;">TAMBUR</p>
---	--

Sudac

<p>Listi više ne okreći 51 Biloj dosti, ne blebeći Obrana tij jako slaba Koda brani stara baba</p> <p>S ovin poslon se ne šali On je krivac ne budali Po mojemu dokumentu Nij milosti za zu blentu</p> <p>Ja ti velin valje totu Pozivan se na porotu Ja se šnjimi savjetujen I na smrt ga osuđujen</p> <p>Ti si proval zabadava Takova su sudska prava Olakšanja nebi bilo Da gaj branil sam Nobilo</p> <p>Kapetane pridi bliže Dal ti sablja dobro riže Daj mi sablju v desnu ruku Da prekinen ovu muku</p> <p>Baš mij lipo stal na meti Sad će glava da odleti Ovoj kraj strpljenja moga Stvarnoj bilo dosti toga</p> <p>UDARAC SABLJUN TAMBUR</p>	<p>OSTAVINA – OPORUKA 52</p> <p>Abukat Na kraji smo Bogu fala Oporukaj još ostala Spisak stvarih nij izdašan «Cistar» je bil siromašan</p> <p>Podilil je čaj ostalo A imel je jako malo Nij on škrtac pa da štedi Se čaj imel niš ne vredi</p> <p>Ostavil je stare robi Nigdi v čoški va konobi Robaj isto zadnja klasa Ostalaj od Karitasa</p> <p>Neka mladi dečki znadu Niš nij imel za paradu Pozdravlja ih toj u redu I da malo lakše gredu</p> <p>Brzo gredu ča bi rekli Po selih su skoro tekli Ozbiljni su stvarno bili Običaj su obavili</p> <p>Odboru od mesopusta Ako pride in do gusta Po zaslugi ne po sili Da dobitak sav podili</p>
<p>Soldih dosta sej skupilo 53 Neznan jel in dosti bilo Delali su ča su znali Morebit su va dug pali</p> <p>Sin mačkaran lipa fala Puna ih je bila sala «Cistaru» se nij dopalo Čaj civilih bilo malo</p> <p>Nij stavil va ostavinu Da ostavlja ča Marinu Ovdí samo ovo stoji Marin lahko soldí broji</p> <p>«Fortunalu» lipa fala Zadovoljnaj bila sala Ovi dečki baren znaju Zač bubaju i sviraju</p>	<p>Bribirci su dobri bili 54 Mnoge grupe počastili Kad se dobra volja nađe Bez prepírke i bez svađe</p> <p>Pa ča drugo reć se more Neka dečki se odmöre Sej to skupa kratko bilo Ma sej lipo obavilo</p> <p>TAMBUR</p>

Sudac

Da se ovo ne preskoči Mislel je i na Podskoči Miki Tusu je ostavil Nij on njega zaboravil	55	Ostavina mi svjedoči Još nič ima za Podskoči Podaci se dobro slažu Jednu pastu za masažu	56
Padobran mu daje sada Kad Mika sa barsa pada Za unapred ovo važi Padobran mu pad ublaži		To ostavlja «maserici» Našoj Mici poštarici Ova pasta da pomaže Kad po selih narod maže	
Neka Mika ovo čuje «Cistar» ovo poručuje Da na baras se ne prti Pobigal je ov put smrti		Micaj majstor veruj meni Rekle su mi nike ženi A nisu to babi stare Kako Mica dobro tare	
Mislin da muj kapa puna Toga barsa i Pešuna Zač dvajset dan nij stvar mala Rozika gaj njegovala		Ljudih to interesira Dal i muških pomasira Do muškoga kada stigne Dal se ča čoviku digne	
Nezgodnoj bil pal sa barsa Stučen kodaj letel s Marsa Podnesal je ovo muški Glavno da nij pal sa kruški		Slučaj je bil malo gori Kad je bila va Podgori Na Rudinah su se bili Pas i kuja «zakučili»	
Veliki su ovo jadi Misec dan nij bil va gradi V Šentenciji tako piše Daj za Miku to previše		Kad sej malo nagljedala Skočilića Ruduj zvala Ona Rudu nagovara Daj zovi veterinara	
		TAMBUR	

Abukat

Pročitat ću to bez muki Se ča piše v oporuki Ovo čitan za saglasa Toj za Rajka Arbanasa	57	Prevozniku Tusu Ivi Veli da u nadi živi Da ne bude on va tugi Vrnut mu se ote dugi	58
Ostavlja mu ima sluha Kotal v kon se prascen kuha Ovo moran da iznesen Desilo se prošlu jesen		Ive neka niš ne žuri Većaj vrednost va «Euri» Mislin da muj i kamata Na «Euri» obračunata	
Stel za Rajka čuli ovu Prascen kuha na Lukovu Pa to onda s kotlon skrozi Za prasci va Bribir vozi		Ive neka se ne jadi Neka živi on va nadi Dobit oće soldi Ive Kad na žukvi rode šljive	
Va Kičeri prasci tovi A kronpir muj na Lukovi Neka Rajko se ne jadi Kako mu to ne dosadi		Ostavil je «Cistar» spasa Za Frenkija Arbanasa Ostavlja mu karijolu Kroz Kičeri kad gre zdolu	

<p>Kroz Kičeri doli skrozi 59 Gajbu pivi cistun vozi Zvekće gajba staklo tuče To Frenki za sobun vuče</p> <p>Zišli ljudi van iz kuće Ča po seli to škrguće A Frenki se smije jako Veli da muj lakše tako</p>	<p>Vozi Frenki puše vetar 60 Odmor je na dvisto metar Dvisto metar tako ide A onda na gajbu side</p> <p>Da si dušu on ugrije Z boce hladnu pivu pije Onda vozi opet sida Se tako do Svetog Vida</p> <p style="text-align: center;">TAMBUR</p>
--	---

Sudac

<p>Ostavlja na ovoj strani 61 Dvin čovikon dvi banani To da in se baš nabaci Prijateljten dvin na Graci</p> <p>Lani ovo smo doznali V sobu žensku pripeljali Vruća soba kot i banja Tribaloj prit do seksanja</p> <p>Zalogaj je to prekrupni U planu je bil seks grupni Njihove su teze snažne Da godine nisu važne</p> <p>Do gola se trojka svukla Ondaj glavna žila pukla Muških težak poraz stiže Ni jednomu se ne diže</p> <p>Ča su onda jadni znali S bananun se pomagali Ženska jednomu prkosi Tu bananu ženi nosi</p> <p>Imenovat neću ljude Neka ovo tajna bude Visoke se leta kreću Imena spomenut neću</p>	<p>Ovdij jedna ostavina 62 Za Matu Veronikina Matu on ne zaboravlja Udovice mu ostavlja</p> <p>Mata često i sam veli Puno ih je va ton seli Pa neka ga dobro paze I malo se šnjnin pomaze</p> <p>Naš se Mata često vidi Va bufeti kada sidi V jednon kraji mesto bira I pjesmice recitira</p> <p>Penzijice moja mala Pet-šest dan si potrajala A jel mata kašnje lačan Nezna Mesić niti Račan</p> <p>Jel mi zima dal me zebe To se njima stvarno jebe I ča Mata dalje kuha Zato vlada nima sluha</p> <p>Veli Mata slabo čujen Ali va niš ne verujen Ni va oca, ni va Boga Zač nis videl nijednoga</p> <p style="text-align: center;">TAMBUR</p>
--	---

Abukat

<p>Naš se «Cistar» rado sića 63 Hrvoja Miculinića On živi va tujen sviti Bribira se rado siti</p>	<p>Od srca ga on pozdravlja 64 I želi mu puno zdravlja Pa ga moli da i kletu Bribir bu na Internetu</p>
--	--

<p>On s Bribiron se ponosi Rodni kraj va sreci nosi Da za Bribir cel svit čuje Na Internet ga uključuje</p>	65	<p>Lipu želju ma ne piću Tecu Ivi Vlasteliću Da ga lipo Ane gljeda Da se drži da se neda</p>	66
<p>Nij reklama ovo mala Zato «Braco» puno fala Pozdravlja te lipo sada Celi Bribir i parada</p>		<p>Jadru isto mi pozdravi Da bu hrabar da ozdravi I neka ga Kate pazi Da kroz život hlabro gazi</p>	
<p>Jadan «Cistar» ta nesrića Smovira se Ivi sića Puno put je njega videl Kad je pokraj cisti sidel</p>		<p>Još se to naglasit mora Da pozdravlja sih s Podgora To su uvik dobri gosti Va Podgorij muških dosti</p>	
<p>Bez doktorih i virozi Neka Smovir Opel vozi Da mu srce lipo lupa Još puno let pili skupa</p>		<p>Zaključil bin lipo sada Sakij dobil ča mu spada Jel baš totu ki zakinut Ja ću isto to prekinut</p>	
<p>Bez prekida i odmora Još moran poč do Podgora «Cistaru» su zadnje želje Da pozdravi prijatelje</p>		<p>Imovinaj slaba bila I lahko sej podilila Oporuka ka nij vela Zaključenaj sovin cela</p>	
<p>Požarić je Ruda totu Njemu pozdrav i to sprotu On i Kate par su pravi Uvik skupa na zabavi</p>		<p>Dan je dvanajsti veljače Komuj krivo neka plače Završil bin priču ovu Vidimo se na Čokovu</p>	
<p>Rapaji i Milki velin Više zdravlja ja in želin Autor in ovo želi Da još dugo poživeli</p>		<p style="text-align: center;">TAMBUR</p> <p style="text-align: center;">K R A J</p>	